

Jayakan Fisu WUBC 2018

*Sukarelawan
IPTA,IPTS bantu
gerak kerja*

HASNIZA HUSSAIN

KUALA LUMPUR

Seramai 90 orang sukarelawan terdiri daripada pelajar beberapa buah Institusi Pengajian Tinggi Awam (IPTA) terlibat dalam Kejohanan Badminton Fisu Universiti Dunia (Fisu WUBC 2018) yang bakal berlangsung pada 15 hingga 21 Oktober ini di Stadium Juara, Bukit Kiara, di sini.

Jawatankuasa Sukarelawan, Ku Hadzrill Jeeffry Ku Hamzah berkata, kesemua sukarelawan yang terlibat merupakan mahasiswa yang aktif menyertai aktiviti kesukarelawan lain sebelum ini termasuk Kejohanan Menembak Fisu Universiti Dunia (WUSSC 2018) yang berlang-



Para sukarelawan terlibat membantu sepanjang seminggu Kejohanan Fisu WUBC 2018.

sung pada Februari lalu.

Menurutnya, kebanyakan mereka sudah mempunyai pengalaman dalam bidang tersebut.

"Bagaimanapun bagi memastikan kejohanan yang berlangsung nanti berjalan lancar, kesemua sukarelawan terlibat sudah diberi tak-

limat menerusi bengkel yang diadakan pada minggu lalu di Dewan Serbaguna UM Arena, Universiti Malaya.

"Para sukarelawan yang terlibat akan membantu pihak Majlis Sukan Universiti Malaysia (Masum) dari segi pengurusan pengangkutan,

penginapan dan segala hal ehwal berkaitan kejohanan tersebut," katanya.

Kebanyakan sukarelawan yang terlibat sepanjang kejohanan ini terdiri daripada mahasiswa Universiti Teknologi Mara (UiTM), Universiti Kebangsaan Malaysia (UKM),

Universiti Putra Malaysia (UPM), Universiti Malaya (UM) dan beberapa Institusi Pengajian Tinggi Swasta (IPTS).

Kejohanan yang berlangsung selama seminggu itu merupakan anjuran Masum dengan kerjasama Kementerian Pendidikan.